

Na osnovu Okvirnog sporazuma za "Nabavka web aplikacije bazirane na GIS platformi za evidenciju podataka o putu i putnoj infrastrukturi" broj: 04-14-44464-OS/19 od dana 30.03.2020. godine između sporazumnih strana zaključuje se

UGOVOR II

za: "Nabavka i isporuka hardverskih komponenti i implementacija softvera i softverskih licenci"

UGOVORNE STRANE:

DIREKCIJA ZA PUTEVE KANTONA SARAJEVO, ulica Hamida Dizdara broj 1 Sarajevo, koju zastupa direktor Selmir Kovač dipl.ing.saob (u daljem tekstu:Naručilac)

i

„TeleGroup“ d.o.o. Sarajevo, ul. Fra Anđela Zvizdovića 1, toranj B (za Grupu ponuđača: TeleGroup d.o.o. Sarajevo, Planet Soft d.o.o. Banja Luka i Planetsoft d.o.o. Beograd), JIB broj: 4202127640005, koje zastupa direktor Ešref Salković (u daljem tekstu: Izvršioc).

PREDMET UGOVORA

Član 1.

Predmet ovog ugovora je **nabavka i isporuka hardverskih komponenti i implementacija softvera u softverskih licenci**, u sklopu Okvirnog sporazuma za "Nabavka web aplikacije bazirane na GIS platformi za evidenciju podataka o putu i putnoj infrastrukturi" broj: 04-14-44464-OS/19 od dana 30.03.2020. godine, u svemu prema postupku javne nabavke provedenog putem otvorenog postupka, koji je proveden na osnovu donesene Odluke o javnoj nabavci (broj: 04-14-44464-OP/19 od dana 25.12.2019. godine), dostavljene ponude Izvršioca i Odluke o izboru najpovoljnijeg ponuđača i dodjeli ugovora (broj: 04-14-44464/19 od dana 06.03.2020.godine), te projektnog zadatka za izradu web aplikacije bazirane na GIS platformi za evidenciju podataka o putu i putnoj infrastrukturi iz ponude, koje čine sastavni dio Ugovora.

Član 2.

Predmet ugovora definisan je zahtjevom Naručioca, predmjerom i predračunom ponuđača, tenderskom dokumentacijom i projektnim zadatkom.

Predmet ovog ugovora su stavke 1.,4. i 5. iz predmjera i predračuna iz ponude i to:
-Softverske licence:

1. VIA PLANET- MODUL INFRASTRUKTURNIH PODATAKA
 - 1.2. VIA PLANET- MOBILNA APLIKACIJA
 - 1.3. VIA PLANET- PREGLED OBLAKA TAČAKA, SFERNIH FOTOGRAFIJA I VIDEO ZAPISA
 - 1.4. VIA PLANET- KONZOLA ZA IMPLEMENTATORE I ADMINISTRATORE SISTEMA
2. MODUL SAOBRAĆAJNE SIGNALIZACIJE, PUTNIH OBJEKATA I SAOBRAĆAJNE OPREME
 - 2.1. VIA PLANET- VERTIKALNA SIGNALIZACIJA (PODMODUL)
 - 2.2. VIA PLANET- HORIZONTALNA SIGNALIZACIJA (PODMODUL)
 - 2.3. VIA PLANET- PODMODUL OBJEKTI PUTA

- 2.4. VIA PLANET- PODMODUL SAOBRAĆAJNA OPREMA
3. VIA PLANET- MODUL BEZBJEDNOSTI SAOBRAĆAJA (SAOBRAĆAJNE NEZGODE I UPRAVLJANJE OPASNIM MJESTIMA)
 4. VIA PLANET- MODUL ZA ODRŽAVANJE (UGOVORI, RADNI NALOZI, EVIDENCIJA RADOVA, GRAĐEVINSKA KNJIGA, SITUACIJA I SL.)
 5. VIA PLANET- MODUL ZA IZVJEŠTAVANJE I OPTIMIZACIJU ULAGANJA POMOĆU VIŠEKRITERIJUMSKE ANALIZE
 6. VIA PLANET- MODUL SERVIS GRAĐANA
 7. VIA PLANET- MODUL ZA UPRAVLJANJE PROJEKTNO- PLANSKOM DOKUMENTACIJOM;
- Implementacija softvera
 - Hardverske pretpostavke Lenovo SR650 prema projektnom zadatku ili zakup kod internet provajdera.

CIJENA I NAČIN PLAĆANJA

Član 3.

Ugovorne strane su saglasne da je ukupna cijena ovog Ugovora definisana prihvaćenom ponudom i iznosi

267.930,00 KM sa pdv-om

(slovima: **dvijestotinešezdesetsedamhiljadadevetstotinatrideset KM i 00/100**)

(229.000,00 KM bez pdv-a)

Ugovorene strane su saglasne da su utvrđene cijene fiksne i nepromjenljive. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove.

Prilog Ugovoru čini Predmjer i predračun radova iz ponude i projektni zadatak.

Član 4.

Ugovorne strane su saglasne da će se plaćanje po ovom ugovoru izvršiti u skladu sa odredbama tenderske dokumentacije i potpisanog ugovora, u roku od 60 dana od dana prijema računa i ovjere situacije od strane nadležnog nadzornog organa.

Plaćanje se vrši na račun ponuđača naveden u ponudi.

ROK ZA IZVRŠENJE

Član 5.

Izvršioc se obavezuje da će poslove koji su predmet ovog ugovora izvršiti u skladu sa ugovorenim obimom i utvrđenom dinamikom u skladu sa projektnim zadacima u roku od 6 (šest) mjeseci od dana uvođenja u posao.

Izvršioc ima pravo da zahtjeva produženje roka za izvršenje u slučajevima kada je to opravdano, u slučaju nastupanja izvanrednih okolnosti koje onemogućavaju izvršenje po predviđenoj dinamici.

U slučaju eventualnog nastanka osnova za podnošenje zahtjeva za produženje roka Izvršioca je dužan zahtjev podnijeti prema naručiocu po hitnom postupku u odnosu na momenat nastupanja nepredviđene okolnosti.

GARANTNI ROK I KAZNA ZA NEBLAGOVREMENO IZVRŠENJE

Član 6.

Garantni rok za izvršeni posao definiše se u skladu sa pravilima struke od dana okončanja posla i iznosi 2 (dvije godine).

Izvršilac se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim Ugovorom.

U slučaju zakašnjenja u normalnim uslovima Naručilac će tolerisati Izvršiocu prekoračenje roka od 2 (dva) dana od ugovorenog roka.

Za svaki dan zakašnjenja završetka preko 2 (dva) dana Izvršioca će platiti Naručiocu kaznu u iznosu 0,1% ugovorene vrijednosti za svaki naredni dan zakašnjenja. Maksimalna kazna za kašnjenje je 5% od ukupno ugovorene vrijednosti posla.

U slučaju kada Ugovorni organ ocjeni opravdanim produženje roka, ili kada potreba produženja roka nastane bez krivice i odgovornosti Izvršioca a, pomenuta kazna se ne zaračunava.

GARANCIJA

Član 7.

Izvođač daje garanciju da su poslovi iz predmeta ovog ugovora urađeni u skladu sa važećim propisima, standardima, tehničkim normativima i pravilima struke i da odgovara za sve eventualne propuste nastale kao posljedica neadekvatnog izvršenja.

Izvršilac je dužan obezbjediti безусловnu bankovnu garanciju za uredno izvršenje ugovora u visini od 10% od vrijednosti Ugovora najkasnije u roku 10 (deset) dana nakon potpisivanja ugovora. U slučaju nedostavljanja garancije u određenom roku potpisani ugovor se smatra ništavnim.

Period trajanja garancije mora obuhvatati period od početka do okončaja radova po ugovoru i biti uvećan za 30 dana u odnosu na period trajanja samog ugovora/perioda izvršenja radova i garantni period.

OBAVEZE IZVRŠIOCA

Član 8.

Izvršioc se obavezuje:

- izvršiti sve ugovorene obaveze u potpunosti a kako je to predviđeno specifikacijom/predmjerom i ostalim priložima koji čine sastavni dio ugovora,
- ugovorene poslove obaviti u skladu sa važećim propisima i pravilima za tu vrstu posla, kao i zahtjevima naručioca navedenim u specifikaciji i pozivu za ponudu,
- garantovati kvalitetno izvršenje, i
- održavati kontinuitet i dinamiku izvršenja svojih obaveza i u ugovorenom roku izvršiti posao iz predmeta ovog ugovora.
- izvršilac je dužan sarađivati sa investitorom sve do momenta pribavljanja svih potrebnih saglasnosti neophodnih za realizaciju projekta i postupanje prema projektu,
- u svemu postupati prema nalogima naručioca ujedno poštujući odredbe pozitivno pravnih propisa, ovog ugovora.

U slučaju neispunjenja ugovornih obaveza i povrede dinamike rada Izvršioc odgovara za svu učinjenu nastalu štetu načinjenog propusta.

Član 9.

Ukoliko Izvršioc ne izvodi posao u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, Ugovorni organ ima pravo da obustavi daljnje izvođenje posla i da od Izvršioca zahtjeva da u datom primjerenom roku koji definiše naručioc otkloni nedostatke.

Ukoliko Izvršioc ni u naknadno utvrđenom roku ne izvršava ugovorne obaveze, Ugovorni organ može raskinuti ugovor i posao ustupiti drugom Izvršiocu.

Izvršiocu se neće platiti posao koje bude izvodio nakon pismenog naloga Ugovornog organa kojim se nalaže obustava i isti je odgovoran je za sve posljedice koje mogu proisteći iz osnova nepridržavanja obustave.

Izvršioc se neće platiti ni poslovi koji nisu izvršeni prema nalogima, tehničkoj dokumentaciji, standardima, smjernicama i pravilima. Naručilac ima pravo da Izvršiocu odbije dio naknade od iznosa fakture za nekvalitetno i nepotpuno izvedeni posao.

Sve štete nastale usljed neizvršenja posla, nekvalitetnog, neblagovremenog, neadekvatnog i nepotpunog izvršenja, kao i štete prema naručiocu i trećim licima, za koje je odgovoran Izvršioc, nadoknaditi će sam Izvršioc.

Na osnovu pismenog izvještaja o neizvršavanju ugovornih obaveza naručioc može raskinuti ovaj ugovor i tražiti naknadu prouzrokovane štete.

Član 10.

Izvršioc je dužan poslove izvoditi u skladu sa usvojenom tehničkom dokumentacijom, pozitivnim zakonskim propisima, važećim tehničkim propisima, standardima i smjernicama i pravilima struke.

OBAVEZE NARUČIOCA

Član 11.

Naručioc se obavezuje :

- pravovremeno uputiti prigovore na eventualne propuste a koji nisu u skladu sa Ugovorom i ponudom,
- uredno izvršiti plaćanje,
- pravovremeno izvršavati svoje obaveze po ugovoru,
- isplatiti naknadu prema odredbama Ugovora.

USTUPANJE POSLA

Član 12.

Izvršioc nema pravo ustupiti ugovorene poslove u cijelosti ili djelimično drugom pravnom licu.

VIŠA SILA

Član 13.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

KORIŠTENJE UGOVORNIH DOKUMENATA I POSLOVNA TAJNA

Član 14.

Izvršiocu nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvršioc i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

RJEŠAVANJE SPOROVA I MJERODAVNO PRAVO

Član 15.

Naručilac ima pravo da raskine ugovor ako Izvršilac propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku koji bi za naručioca bio prihvatljiv. U tom slučaju ugovorni organ neće platiti Izvršilac onaj dio posla koji je u nastavku rada nemoguće koristiti.

Ugovorne strane će nastojati svaki spor iz Ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u BiH.

POSEBNE ODREDBE

Član 16.

Ovaj ugovor ostaje na snazi do potpunog izvršenja ugovorenih poslova. Ugovorene strane mogu sporazumno otkazati ovaj ugovor i prije njegovog izvršenja ukoliko, neovisno od ugovorenih strana, nastupe okolnosti, koje bitno utiču na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

Prava i obaveze ugovornih strana, po ovom Ugovoru u svakom pogledu regulisana su pozitivnim zakonskim propisima BiH.

Sve obaveze vezane za ovaj ugovor biti će sačinjeni u pismenoj formi, uključujući i odobrenja, naloge, uputstva i sl.

ZAVRŠNE ODREDBE

Član 17.

Ovaj ugovor stupa na snagu danom obostranog potpisivanja ovlaštenih predstavnika. Sastavni dio ugovora je predmjer i predračun radova iz ponude i projektni zadatka.

Član 18.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka

~~TeleGroup~~" d.o.o. Sarajevo
za Grupa ponuđača (TeleGroup d.o.o.
Sarajevo, Planet Soft d.o.o. Banja Luka i
Planetsoft d.o.o. Beograd)

Direkcija za puteve Kantona Sarajevo

Broj: 49-11-037/10
Datum: 20.11.2020.g.

Broj:04-14-44464-U2/19
Datum: 18.11.2020. godine

